

遂去官隱於山中九年忽見洞中瓊花吐豔金蟾跳躍遂入洞中得仙丹服之卽時乘雲車上昇今人以洞號主簿治自此始也

浮胡白豹雷公黃蛇

神仙傳施存真人號浮胡先生師黃蘆子得三皇內文驅策虎豹之術隱衡嶽石室山每跨白豹出入晉元康間白日騰昇

廣異記武勝之嘗於江灘見雷公逐一黃蛇或以石投之鏗然有聲雷公飛去得一銅劍有文云許旌陽真君斬蛟第三劍

道藏輯要

三洞羣仙錄

真

真集四  
川三川

無競懷果孫鍾設瓜

青瑣李無競入都調官至朱仙鎮有句者喧爭於路一嫗曰我終身乞句聚得少金此子貸去不償無競取金如所遺數與句者謝曰吾實遺其錢君行路人能償之又解其鬪何以報德吾家在隆和曲筠柵青簾乃所居也子能訪我不無競異之卽往焉入門見數句者擁鑪共火喜見於色命坐具小酌無競頗疑其人終不飲但濡唇而已時大寒盤中皆夏果取小御桃三枚懷歸句者以詩送曰君子多疑卽多誤世人無信卽無誠吾家路徑平如砥何事夫君不肯行無競至邸取桃視之乃紫金也後琢其金爲酒器年七十面色紅潤豈